



Laga solo goberná

Bryan "Bayo" Lard

Solo, solo unda bo ta ?

Koro: A he he ha

Gadji sali pa nos traha

Koro: A he he ha

Sabiduria di esnan k'a mira
solo sali promé ku nos
a siña mi respetá
i laga solo goberná

Koro: I laga solo goberná

Promé ku solo pusha pèrta
yanga sali fo'i tra'i seru
tur kunukero ta den kunuku
pa planta e soño di kosechá

Koro: Pa planta e soño di kosechá

Solo a sali pa nos traha

Koro: A he he ha

Gadji a sali goberná

Koro: A he he ha

Ata solo a sofoká simia
Pon'é pusha tera pèrta bin ariba
Mangasina yen ta demostrá
ku mester laga solo goberná

Koro: He eeee

Koro: Ho oooo }2x

Koro: Ku mester laga solo goberná

Bo n' por tapa solo ku dede
No laga solo sali bo na kama

Koro: Lag'é goberná 4x

Koro: E solo djayera n' t'esun djawe



Gadji manda forsa
pa mi pueblo lanta traha

Koro:solo solo

Pa nos wapa
Ku nos man na laira
E dulsura di nos kultura
sintié den solo su kalor
Solo kurti kueru
Solo kenta heru

Koro: solo solo
Koro: solo solo
Koro: solo solo
Koro: solo solo
Koro: solo solo
Koro: solo solo

Mi pueblo respetá
i laga solo goberná
Pasó mientras solo n' baha
kared'i biná n' terminá

Koro: solo solo
Koro: solo solo
Koro: solo solo
Koro: solo solo

P'esei ban bolbe koba kaila
Ban bolbe sai simia
Huntu wapa den yobida
I warda solo goberná

Koro:heee eee
Koro: hoo ooo }2x

Koro: I warda solo goberná

Koro: Lag'é goberná

Bo n' por tapa solo ku dede
No laga solo sali bo na kama

Koro: E solo djayera n' t'esun djawe

Gadji manda forsa
pa mi pueblo lanta tra

Koro: solo solo

Pa nos wapa
Ku no' man na laira
Nos mester dje lus di solo
pa nos fiesta resaltá
Solo kurti kueru
Solo kenta heru

Koro: solo solo
Koro: solo solo
Koro: solo solo
Koro: solo solo
Koro: solo solo
Koro: solo solo

Mi pueblo respetá
I laga solo goberná
Pasó mientras solo n' baha
Kared'i biná n' terminá

Koro: Solo solo
Koro: Solo solo
Koro: Solo solo
Koro: Solo solo



P'esei nos ta bolbe koba kaila
Ban bolbe sai simia
Huntu wapa den yobida
I warda solo goberná

Koro: heee eee
Koro: hoo ooo }2x

Koro: I warda solo goberná

Solo a sali, nos a traha

Koro: A he he ha

Gadji a sali dun' un man
P'esei !

Koro: A he he ha

Na salida di mi marcha

Koro: Solo sali goberná

Deskripshon:

E komposishon akí, ku ta hiba e título “Laga solo goberná”, ta enfoká riba solo, un fuente di vitalidat pa kunuku i kosecha. Den e kompoishon akí a skohe konsientemente pa pone lus riba e efektonan positivo i e importansia di solo. Komo ku nos tur tin kustumber di kontinuamente keha di e imenso kalor ku solo ta produsí, sin para ketu ku solo ta indispensabel den e proseso di plantashon, pa por kosecha i pa por tin un fiesta di kosecha.

Dichonan:

1. Sabiduria djesnan k'a mira Solo sali promé ku nos = Hende grandi ku a nasé promé

2. plant'e soño di kosechá= planta un simia ku deseo pa kosechá

3. No laga solo sali bo na kama (1)

E solo djayera no ta esun djawe (2) = Kombinashon di dos dicho pa bisa ku no pasó a bai malu den pasado ta motibu pa awe bai igual, awe ta un otro dia (1) , pa e motibu aki, no drumi floha i lanta traha(2)

Palabranan no kómun:

1. Gadji= Palabra saká for di kantika nan di trabou di nos antepasado nan ku ta sinónimo di solo

2. Kurti Kueru: Proceso ku kueru di animal tin ku pasa aden promé ku e ta resistente suficiente i apto pa pone riba barí. Den e proseso akí solo ta di gran importansia pa seka e kueru.